

資治通鑑補

資治通鑑補卷第七十六

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀六十

八起延熙十六年
盡延熙十八年

後皇帝下之上

魏延熙十六年

魏嘉平五年
吳建興二年

春正月朔大將軍費禕與諸將大會

于漢壽郭循在坐禕歡飲沈醉循起刺禕殺之禕資性汎愛不疑

于人越雋太守張疑嘗以書戒之曰昔岑彭率師來歙杖節咸見

害於刺客

岑彭來歙事見四十二年
卷漢光武建武十一年

今明將軍位尊權重待信新附

太過宜鑒前事少以爲警禕不從故及禍禕當國功名略與蔣琬

比雅性謙素家不積財兒子皆令布衣素食出入不從車騎無異

凡民魏追封郭循為長樂鄉侯使其子襲爵 魏王祖母邱儉聞

東軍敗

時三逆伐吳東關最在東故曰東軍

各燒屯走朝議欲貶黜諸將大將軍師

曰我不聽公休

諸葛誕字公休存豎伐吳之議倡自諸葛誕而諫止之者惟傅嚴耳然嚴字蘭石則公休當作蘭石

不然不聽公休當是誤 聽公休兩者必有一誤 以至於此此我過也諸將何罪悉宥之師

弟安東將軍昭時為監軍惟削昭爵而已以諸葛誕為鎮南將軍

都督豫州毋邱儉為鎮東將軍都督揚州是歲雍州刺史陳泰求

收并州并力討胡師從之未集而新興雁門二郡胡以遠役遂驚

反 雍州在并州西南而雁門新興二郡并州北鄰也其道里阻去

遠漢末曹公集議下荒地為新興郡宋白曰曹公立新興郡于懷煩郡唐為嵐州漢為汾陽縣地○嵐音焚 師又謝朝士曰此我過也非陳雍州之責

是以人皆媿悅

習鑿齒論曰司馬大將軍引二敗以爲己過過消而業隆可謂
智矣若乃諱敗推過歸咎萬物常執其功而隱其喪上下難心
賢愚解體謬之甚矣君人者苟統斯理以御國行失而名揚兵
挫而戰勝雖百敗可也況于再乎

魏光祿大夫張緝言于師曰恪雖克捷見誅不久師曰何故緝曰
威震其主功蓋一國求不死得乎 二月吳軍還自東興進封太
傅恪陽都侯加荆揚州牧督中外諸軍事恪遂有輕敵之心復欲
出軍諸大臣以爲數出罷勞同辭諫恪恪不聽中散大夫蔣延固
爭恪命扶出因苦論以諭眾曰凡敵國欲相吞卽仇讎欲相除也
有讎而長之禍不在己則在後人不可不爲遠慮也昔秦但得關
西耳尙以并吞六國今以魏比古之秦土地數倍以吳與蜀比古

六國不能半也然今所以能敵之者但以操時兵眾于今適盡而後生者未及長大正是賊衰少未盛之時加司馬懿先誅王凌續自隕斃其子幼弱而專彼大任雖有智計之士未得施用當今伐之是其厄會聖人急于趨時誠謂今日若順眾人之情懷偷安之計以爲長江之險可以傳世不論魏之終始而以今日遂輕其後此我所以長歎息者也今聞眾人或以百姓尙貧欲務閑息此不知慮其大危而愛其小勤者也昔漢祖幸已自有三秦之地何不閉關守險以自娛樂空出攻楚身被創痍介冑生蟣蝨將士厭困苦豈甘鋒刃而忘安甯哉慮于長久不得兩存者耳每鑒荆邯說公孫述以進取之圖

事見四十二卷漢光武建武六年

近見家叔父表陳與賊爭

競之計

家叔父謂諸葛亮亮表見七十一卷後主建興六年

未嘗不喟然歎息也夙夜反側

所慮如此故聊疏愚言以達二三君子之末若一朝隕沒志盡不立賞令來世知我所憂可思于後耳眾人雖皆心以爲不可然莫

敢復難丹陽太守聶友素與恪善以書諫恪曰大行皇帝本有過

東關之計

吳主之喪未驗年故稱之爲大行皇帝

計未施行寇遠自送將士馮賴威

德出身用命一旦有非常之功豈非宗廟神靈社稷之福邪竝且

案兵養銳觀釁而動今乘此勢欲復大出天時未可而苟任盛意

私心以爲不安恪題論後爲書荅友曰足下雖有自然之理然未

見大數熟省此論可以開悟矣滕胤謂恪曰君受伊霍之託入安

本朝出摧彊敵名聲振于海內天下莫不震動萬姓之心冀得蒙

君而息今猥以勞役之後

勞役謂內有山陵營作外有東關之師也

興師出征民疲力

屈遠主有備若攻城不克野略無獲是喪前勞而招後責也不如

案甲息師觀隙而動且兵者大事事以眾濟眾苟不悅君獨安之
恪曰諸云不可皆不見計筭懷居苟安者也而子復以爲然吾何
望乎夫以曹芳闇劣而政在私門彼之民臣固有離心今吾因國
家之資藉戰勝之威則何往而不克哉三月恪大發州郡二十萬
眾復擊魏以滕胤爲都下督掌統諸事 夏四月魏大赦 姜維

自以練西方風俗

姜維本天水冀人故自以爲練西方風俗練習也

兼負其才武欲誘諸

羌胡以爲羽翼謂自隴以西可斷而有每欲興軍大舉費禕常裁
制不從與其兵不過萬人曰吾等不如丞相亦已遠矣丞相猶不
能定中夏況吾等乎不如且保國治民謹守社稷如其功業以俟
能者無爲希冀微倖決成敗于一舉若不如志悔之無及及禕死
維得行其志乃將數萬人出石營圍狄道

石營在董亭西脩維蓋自武都出石營也狄道

縣屬隴西郡爲維以勞民亡蜀張本

吳諸葛恪擊魏淮南驅略民人諸將或謂恪

曰今引軍深入疆場之民必相率遠遁恐兵勞而功少不如止圍

新城

合肥新城也

新城困救必至至而圍之乃可大獲恪從其計五月

還軍圍新城魏詔太尉司馬孚督軍二十萬往赴之大將軍師問

于庾松曰今東西有事二方皆急

謂吳攻淮南蜀攻隴西也

而諸將意沮若之

何松曰昔周亞夫堅壁昌邑而吳楚自敗

事見十六卷漢景帝三年

事有似弱

而彊不可不察也今恪悉其銳眾足以肆暴而坐守新城欲以致

一戰耳

致者猶古所謂致師也

若攻城不拔請戰不逞師老眾疲勢將自走

諸將之不徑進乃公之利也姜維有重兵而縣軍應恪投食我麥

謂維軍後無轉餉投食我麥

非深根之寇也且謂我并力於東西方必

虛是以徑進今若使關中諸軍倍道急赴出其不意殆將走矣師

曰善乃使郭淮陳泰悉關中之眾解狄道之圍敕毋邱儉案兵自

守以新城委吳陳泰進至洛門

即天水冀洛門聚

姜維糧盡退還魏揚州

牙門將涿郡張特守新城吳人攻之連月城中兵合三千人疾病

戰死者過半而恪起土山急攻城將陷不可護特乃謂吳人曰今

我無心復戰也然魏法被攻過百日而救不至者雖降家不坐白

受敵以來已九十餘日矣此城中本有四千餘人戰死者已過半

城雖陷尚有半人不欲降我當還爲相語條別善惡明日早送名

且以我印綬去爲信乃投其印綬與之吳人聽其辭而不取印綬

遂不攻特乃投夜徹諸屋材柵補其缺爲二重明日謂吳人曰我

但有鬪死耳吳人大怒進攻之不能拔會大暑吳士疲勞飲水泄

下流腫病者大半死傷塗地諸營更日白病者多恪以爲詐欲斬

之自是莫敢言恪內惟失計也

惟思也

而恥城不下忿形于色將軍朱

異以軍事忤恪恪立奪其兵斥還建業都尉蔡林數陳軍計恪不

能用策馬韓懿魏諸將伺知吳兵已疲乃進救兵秋七月恪引軍

去士卒傷病流曳道路或頓仆坑壑

肅者疲而不能自收也曳者疲因不能自扶相牽引而行

頓仆頓頓而僵仆也

或見略獲存亡忿痛大小嗟呼而恪晏然自若出住江

渚一月

渚水也

圖起田于潯陽

漢潯陽故縣地也在大江之北尋陽記曰尋陽春秋爲吳之西境楚

之東境本在大江之北今蘄州界古蘭城是也

詔召相銜

言召命相繼也舟行以舳艫不絕爲相銜陸行以馬首尾相接

爲徐乃旋師由是眾庶失望怨譟興矣魏汝南太守鄧艾言于司

馬師曰孫權已沒大臣未附吳名宗大族皆有部曲阻兵仗勢足

以違命諸葛恪新秉國政而內無其主不念撫恤上下以立根基

競于外事虐用其民悉國之眾頓于堅城死者萬數載禍而歸此

恪獲罪之日也昔子胥吳起商鞅樂毅皆見任時君主沒猶敗伍子

胥見任子吳王闔閭闔閭死夫差不能用其言而殺之吳起事見一卷周安王二十一年商鞅事見二卷魏王三十一年樂毅事見

四卷報王三十六年況恪才非四賢而不慮大患其亡可待也八月吳軍還

建業諸葛恪陳兵導從歸入府館即召中書令孫嘿厲聲謂曰卿

等何敢數妄作詔怒其數作詔召之也嘿惶懼辭出因病還家恪征行之後

曹所奏署令長職司一罷更選曹選曹也言一切罷之而更選也

曹選曹也言一切罷之而更選也愈治威嚴多所罪責當進見者無不竦息又改易宿衛用其親

近復敕兵嚴欲向青徐孫峻因民之多怨眾之所嫌構恪于吳主

亮云欲為變冬十月孫峻與吳主謀置酒請恪恪將入之夜精爽

擾動左傳鄭子產曰人生始化曰魄既生魄陽曰魂用物精多則魂魄強是以有精爽至于神明杜預曰爽明也擾動言不安

也通夕不寐晨起盥漱聞水腥臭侍者授衣衣服亦臭恪怪其故

易衣易水其臭如初意憫悵不悅嚴畢趨出犬銜引其衣恪曰犬不欲我行乎還坐頃刻乃復起犬又銜其衣恪疑之旦日駐車宮門峻已伏兵于帷中恐恪不時入事泄乃自出見恪曰使君若尊體不安自可須後峻當具白主上欲以嘗知恪意恪曰當自力入散騎常侍張約朱恩等密書與恪曰今日張設非常疑有他故恪以誓示滕胤胤勸恪還恪曰兒輩何能爲正恐因酒食中人耳

考異

曰恪傳曰恪省張約等書而去未出路門逢太常滕胤胤曰卒腹痛不任入胤不知峻陰計謂恪曰君自行旋未見上今上置酒請君君已至門宜當力進恪謂胤

而還孫盛以爲不然今從吳歷恪入劔屢上殿進謝還坐設酒恪

疑未飲孫峻曰使君病未善平有常服藥酒可取之恪意乃安別飲所齎酒數行吳主還內峻起如廁解長衣著短服出曰有詔收諸葛恪恪驚起拔劔未得而峻刀交下張約從旁斫峻裁傷左手

峻應手斫約斷右臂武衛之士皆趨上殿峻曰所取者恪也今已

死悉令復刃

令內刀于鞘也

乃除地更飲恪二子竦建聞難欲載其母奔

魏峻使人追殺之以輦席裹恪口箴束腰投之石子岡

恪傳曰建業南有長

陵名石子岡葬者依馬案今高座寺後卽石子岡寺在建康城死

是童謠曰諸葛恪蘆葦單衣箴鉤落于何相求成子閣成子閣者

反語石子岡也建業人多葬于此鉤落者革帶之名峻又遣無難

督施寬就將軍朱續孫壹軍

朱續時在江陵孫壹時在夏口

殺恪弟奮威將軍融

于公安及其三子恪外甥都鄉侯張震常侍朱恩皆夷三族臨淮

臧均表乞收葬恪曰震雷電激不崇一朝大風衝發希有極日然

猶繼之以雲雨因以潤物是則天地之威不可經日浹辰

浹周也辰十二

辰也十二日辰

一旬日浹辰帝王之怒不宜訖情盡意臣以狂愚不知忌諱敢

雷破滅之罪以逢風雨之會伏念故太傅諸葛恪罪積惡盈自致
夷滅父子三首梟市積日觀者數萬詈聲成風國之大刑無所不
震長老孩幼無不畢見人情之于品物榮枯則哀生見恪貴盛世
莫與貳身處台輔中間歷年今之誅夷無異禽獸觀訖情反能不
憐然且已死之人與土壤同域鑿掘斫刺無所復加願聖朝稽則
乾坤怒不極旬使其鄉邑若故吏民收以士伍之服秦漢之制尊
官爵者爲士
伍惠以三寸之棺禮記曰夫子制于中都四寸之棺五寸之椁鄭
康成注云此庶人之制也案禮上大夫棺八寸
厚六寸下大夫棺六寸椁四寸無三寸棺制也孟子曰中古棺七
寸椁稱之墨子尙儉桐棺三寸左傳趙盾子曰桐棺三寸不設屬
葬下葬之罰也昔項籍受殯葬之施韓信獲收斂之恩斯則漢高發神明
之譽也葬項籍事見十一卷漢高帝五年故韓信事今史無
所考史云帝聞信死且喜且憐之是必收斂之也惟陛
下敦三皇之仁垂哀矜之心使國澤加于辜戮之骸復受不已之

恩子以揚聲遐方沮勸天下豈不大哉昔樂布矯命彭越

事見十
二卷漢

高帝十
一年

臣竊恨之不先請主上而專名以肆情其得不誅實爲幸

耳今臣不敢章宣愚情以露天恩謹伏手書冒昧陳聞乞聖明哀
察于是吳主及孫峻聽恪故吏斂葬初恪少有盛名大帝深器重
之而恪父瑾常以爲戚曰非係家之主也父友奮威將軍張承昭
之長子也爲人壯毅忠讜能甄識人物凡在庶幾之流無不造門
而獨不喜恪每謂人曰此子必敗諸葛氏陸遜亦嘗謂恪曰在我
前者吾必奉之同升在我下者則扶掖之今觀君氣陵其上意蔑
乎下

後者視
之若無

非安德之基也恪再攻淮南時越閩太守張嶷與諸

葛亮子瞻書曰東主初崩帝實幼弱太傅受寄託之重亦何容易

雖有周公之才猶有管蔡流言之變霍光受任亦有燕益上它逆

亂之謀

事見二十三卷漢昭帝元鳳元年

賴成昭之明以免斯難耳昔每聞東主

殺生賞罰不任下人今以垂沒之命卒召太傅屬以後事誠實可

慮加吳楚剽急乃昔所記

周亞夫曰吳楚剽輕太史公曰楚俗而剽輕易發怒自漢以來皆有是言

太傅離少主履敵庭恐非良計長筭也雖云東家綱紀肅然上下

輯睦

東家亦謂吳立國于東也

百有一失非明者之慮邪取古則今今則古也

則利

自非郎君進忠言于太傅

自漢以來門生故吏率稱恩門子弟為郎君

誰復有進

言者邪旋軍廣農務行德惠數年之中東西並舉實為不晚願深

採察恪果以此敗吳羣臣其議上奏推孫峻為太尉滕胤為司徒

有媚峻者言曰萬機宜在公族若承嗣為亞公

滕胤字承嗣司徒位亞太尉故曰亞

公聲名素重眾心所附不可量也乃表峻為丞相大將軍督中外

諸軍事又不置御史大夫由是士人失望

漢承秦制置御史大夫以副丞相理眾事今峻

爲丞相而不置御史大夫則專吳國之政故國人失望

滕胤女爲恪子竦妻胤以此辭位孫

峻曰鯨禹罪不相及滕侯何爲峻與胤雖內不沾洽而外相苟容

進胤爵高密侯其事如前始恪自淮南退軍還叢友已知其必敗

書與滕胤曰富人彊盛河山可拔一朝羸縮人情萬端言之悲歎

及恪遇害孫峻欲以友爲鬱林太守友發病而死友豫章人也虞

翻徙交州時友爲縣吏縣令使之逆翻翻與語而奇焉爲書與豫

章太守謝斐令以爲功曹時郡中已見有功曹斐召而問之曰叢

友可堪何職對曰此人縣閒小吏耳猶可堪曹佐斐曰論者以爲

宜作功曹君其避之乃用爲功曹使至都諸葛恪友之時謂顧子

嘿子直

顧譚字子嘿顧承字子直皆顧雍孫

其閒無所復容恪欲以友居其閒由是

知名故友爲之死齊王奮聞諸葛恪誅下住蕪湖欲至建業觀變

傅相謝慈等諫奮殺之坐廢爲庶人徙章安

章安前漢治縣也故閩越地光武更名章

安屬會稽郡

南陽王和妃張氏諸葛恪之甥也先是恪有遷都之意使

治武昌官民間或言恪欲迎和立之及恪被誅丞相峻因此奪和璽綬徙新都又遣使者追賜死初和妾何氏生子皓諸姬子德謙俊和將死與張妃別妃曰吉凶當相隨終不獨生亦自殺何姬曰若皆從死誰當字孤

字乳也爰也

遂撫育皓及其三弟皆賴以獲全

爲後

吳人立皓張本

十一月有大鳥五見于吳地春申吳主亮乃改明年元

爲五鳳

延熙十七年

魏主曹髦正元年吳五鳳元年

春正月姜維還成都大赦二

月魏殺其中書令李豐及太常夏侯元光祿大夫張緝初豐年十七八已有盛名明帝嘗得吳降人問江東聞中國名士爲誰降人

云間有李安國帝曰安國是誰左右以豐對帝曰豐名乃被于吳越邪其父太僕恢不願其然敕使閉門斷客及曹爽專政司馬懿稱疾不出豐爲尙書僕射依違二公間時人乃爲之語曰曹爽之勢熱如湯太傅父子冷如漿李豐兄弟如游光言豐雖外示清淨而內實圖事有似游光也懿雖聞之不以爲嫌故不與爽同誅及司馬師秉政以豐爲中書令是時夏侯元有天下重名以曹爽親不得在執任居常怏怏張緝以后父去郡家居亦不得意豐皆與之親營師聞而惡之又豐在中書二歲魏主芳敗召豐與語不知所說師知其議已請豐相見以詰豐豐不以實告師怒以刀鑽築殺之送尸付廷尉遂收豐子韜及夏侯元張緝等皆下廷尉鍾毓案治云豐與黃門監蘇璉永甯署令樂敦

漢有黃門令宦者爲之黃門監蓋魏置也永甯

宮中太后宮名永甯通令允從僕射劉賢等漢制中宮允從僕射官者為之主黃門允

允從僕射魏世因其名而置允從僕射從秋六有允從約志曰漢東京有中黃門謀曰拜貴人曰諸營兵

皆屯門陛下臨軒據宇之末曰軒促御生則臨殿陛下臨軒因此同奉陛下將羣僚人

兵就誅大將軍鑠等曰陛下儻不從人案何豐曰事有權宜臨時

若不信便當劫將去耳又云謀以元為大將軍緝為車騎將軍元

緝皆知其謀此上皆謀也庚戌誅皓元緝鑠敦賢皆夷三族初夏侯霸

之入蜀也邀元欲與之俱元不從曰吾豈苟存自容于寇虜乎遂

還洛陽自是不交人事不蓄華姪及司馬懿卒中領軍許允謂元

曰無復憂矣元歎曰士宗卿何不見事乎九字此人猶能以通家

年少遇我子元子上不吾容也司馬師字子元司馬昭字子上及元被執師弟昭

流涕請之師曰卿忘會趙司空葬乎趙司空者趙儼也其葬時師

昭兄弟皆會葬所賓客以百數元時後至眾賓客震動咸越席而

迎之師由是大惡元及下獄元不可下辭鍾毓自臨治之元正色

責毓曰吾當何罪卿爲令史責人也

自漢以來公府有令史廷尉則有獄史耳立益責毓以身

爲九卿乃承公府指自臨治我是爲公府令史而責人也

卿便爲我作毓以元名士節高不可

屈而獄當竟夜爲作辭令與事相附

爲作獄辭使與所案之事相附合也流涕以示

元元視頷之而已初毓弟會求交于元元不許至是乘元在囹圄

且恃兄執因欲狎而友之元正色曰鍾君何相偏如此也元有靜

持營倚柱作書時大雨霹靂破所倚柱衣服焦然賓客左右皆跌

蕩不得住而元神色如常書亦不輟及就東市顏色不變舉動自

若蹈尚齊長公主以列侯給事中有內外之重而豐常約敕蹈不

得有所侵取時得賜錢帛輒以施親族所賜宮人多與子弟及諸

外甥死後有司籍其家家無餘積李豐弟翼爲兗州刺史司馬師遣使收之翼妻荀氏謂翼曰中書事發可及詔書未至赴吳何爲坐取死亡左右可同赴水火者爲誰翼思未荅妻曰君在大州不知可與同死生者雖去亦不免翼曰二兒小吾不去今但從坐身死耳二兒必免乃止死初李恢與尙書僕射杜畿及東安太守郭智善

東安縣前漢屬城陽國後漢屬復陽國魏分爲郡沈約曰晉惠帝分東莞爲東安郡蓋魏既分而又省併既省併而晉又

分屬東莞又自東莞分爲郡也

智子冲有內實而無外觀州里弗稱也冲嘗與豐

俱見畿既退畿歎曰孝懿無子非徒無子殆將無家君謀爲不死

也其子足繼其業

李恢字孝懿郭智字君謀

時人皆以畿爲誤及豐死冲爲代

郡太守卒繼父業正始中夏侯元何晏鄧颺俱有盛名欲交尙書郎傅嘏嘏不受嘏友人荀榮怪而問之嘏曰太初志大其量能合

後主延熙十七年

虛聲而無實才何平叔言遠而情近好辨而無誠所謂利口覆邦

國之人也鄧元茂有爲而無終外要名利內無關鑰貴同惡異多

言而妒前多言多毀妒前無親

補註妒前者忌人之在己前也

以吾觀此三人者

皆將敗家遠之猶恐禍及況昵之乎噲又與李豐不善謂同志曰

豐飾僞而多疑矜小智而昧于權利若任機事其死必矣噲傳介

子之後也達于政治好正而有清理識要善論才性原本精微處

有能及之者 辛亥魏大赦 三月魏廢皇后張氏夏四月立皇

后王氏奉車都尉嬖之女也 魏狄道長李簡密書請降六月姜

維伐魏隴西 魏中領軍許允素與李豐夏侯元善及聞二人被

收允欲見大將軍司馬師已出門回還不定中道還取袴司馬師

聞之曰吾自收豐等不知士大夫何爲恩恩乎及鎮北將軍缺以

允爲之已受節傳出止外舍魏主羞以允當出詔會羣臣特引允以自近允當與魏主別涕泣歔歔允未發有司奏允前放散官物收付廷尉徙樂浪未至道死初鎮北之命始下師與允書曰鎮北雖少事而都典一方念足下震華鼓建朱節歷本州此所謂衣繡畫行也允心甚悅謂其妻阮曰吾知免矣阮曰禍見于此何免之有俄而見收門生走入告阮阮正在機神色不變曰早知爾耳門生欲藏其子阮曰無與諸兒事後移居墓所司馬師遣鍾會看之若才藝德能及其父當便收之兒以語母母云汝等雖佳才具不多率胸懷與語便自無憂不須極哀會止便止又可少問朝事兒從之會具以狀對卒免于禍阮氏賢明而醜允與初婚見而愕然交禮畢卽出無復入理阮遣婢覘之云有客姓桓阮曰是必桓範

將勸使入也。既而允果入，須臾便起，妻捉裾留之。允顧謂阮曰：婦有四德，卿有其幾？阮曰：新婦所乏惟容耳。士有百行，君有其幾？允曰：皆備。阮曰：士之百行以德爲首，君好色不好德，何謂皆備？允有慚色，知其非凡，遂相親重。已而允典選明帝，疑其所用，非次召入，將加罪。阮氏跳出，謂曰：明主可以理奪，難以情求。允如其教，明帝乃釋之。及是禍敗，亦不出阮之所料。吳孫峻素無重名，驟握大權，遂驕矜，險害多所刑殺。又姦亂宮人，與全公主、魯班私通。國人側目。司馬桓慮謀殺峻，立太子登之子吳侯英，不克，皆死。魏主芳以李豐之死，意殊不安。東將軍司馬昭鎮許昌，詔召之。使擊姜維。九月，昭領兵入見魏主。幸平樂觀，以臨軍。過左右，勸魏主因昭辭殺之。勒兵以退。大將軍已誓詔于前矣。及昭入，辭魏主方食。

栗優人雲午唱曰青頭雞青頭雞青頭雞者鳴也言有伏甲將興

也魏主懼不敢發昭亦悟亟引兵入城大將軍師乃謀廢魏主平

觀在洛陽城西邸已過甲戌師以皇太后命召羣臣會議燭太后

軍復引入城帝事去矣臣以魏主荒淫無度褻近倡優不可以承天緒羣臣皆莫敢違乃

奏收魏主爾綬歸藩于齊使郭芝入白太后太后方與魏主對坐

芝謂魏主曰大將軍欲廢陛下立彭城王據彭城王據文帝子芝

之入齊魏主乃起去太后不悅芝曰太后有子不能教今大將軍

意已成又勒兵于外以備非常但當順旨將復何言太后曰我欲

見大將軍口有所說芝曰何可見邪但當速取璽綬太后意折乃

遣旁侍御取璽綬著坐側芝出報師師甚喜又遣使者授魏主齊

王印綬出就西宮魏主與太后垂涕而別遂乘王車從太極殿南

出羣臣送者數十人司馬李悲不自勝餘多流涕廢帝時年二十一師又

使使者請璽綬于太后太后曰彭城王我之季叔也今來立我當

何之且明皇帝當永絕嗣乎高貴鄉公文帝之長孫明皇帝之弟

子太后謂明帝絕嗣蓋謂以據為後則兄死弟及又禮兄弟不得相入廟也文帝黃初三年初制封王之庶子為鄉公嗣王之庶

子為侯公侯之庶子為亭伯于禮外宗有後大宗之義其詳議之世嫡為大宗庶子為各

宗其父為小宗禮王后無嗣擇建支子以繼大宗丁丑師更召羣臣以太后令示之乃定

迎高貴鄉公髦于元城定迎者繁節定而迎之也元城縣屬魏郡魏王公皆錄置郡故出

髦而就元髦者東海定王靈之子也時年十四使太常王肅持節

迎之師又使請璽綬太后曰我見高貴鄉公小時識之我自欲以

璽綬手授之冬十月己丑高貴鄉公至元武館鄆道元曰魏氏立元武館於芒垂蓋

館在芒山之尾其地迫洛城北羣臣奏請舍前殿立武館之前殿也公以先帝舊處避止

西脂羣臣又請以法駕迎公不聽庚寅公入于洛陽羣臣迎拜西掖門南公下輿荅拜僕者請曰儀不拜公曰吾人臣也遂荅拜至止車門下輿左右曰舊乘輿入公曰吾被皇太后徵未知所爲遂步至太極東堂見太后其日卽皇帝位于太極前殿魏主神明爽俊德音宣朗百僚陪位者皆欣欣焉罷朝師私問鍾會曰上何如主也會對曰才同陳思武類太祖師曰若如卿言社稷之福也大赦改元正元爲齊王築宮于河內姜維自狄道進拔魏河關臨洮河關當作河關河關縣前漢屬金城郡後漢屬隴西郡以地理考之河關臨洮在狄道西姜維自狄道西拔河關臨洮意欲收魏之邊縣時邊寇將軍張疑久在南荒患風溼固疾及還成都所患瘳篤杖然後起李簡之請降眾議狐疑疑曰必然時論以疑股疾未愈不能在行簡而疑自乞肆力中原臨發辭帝以殺身自誓

帝爲之慨然流涕至是魏將軍徐質與戰疑病困遂爲所殺維乃
還疑爲人慷慨壯烈其死也蜀人痛惜之先是夏侯霸來降而疑
亦初自南中還霸與疑誓曰雖與足下疏闊然託心如舊宜明此
意疑荅書曰僕未知子子未知我大道在彼何云託心願三年之
後徐陳斯言有識之士以爲美談 初魏揚州刺史文欽驍果絕
人曹爽以其鄉里故愛之欽恃爽勢多所陵傲及爽誅欽已內懼
又好增爵級以邀功賞司馬師常抑之由是怨望鎮東將軍毋邱
儉素與夏侯元李豐善夏侯元等死儉亦不自安乃以計厚待欽
儉子治書侍御史甸謂儉曰大人居方嶽重任古者天子巡狩四
方其方之諸侯各
會朝于方嶽之下堯舜有四岳之官孔安國曰堯命羲和四子分
掌四方之諸侯故曰四岳堯舜之時征鎮安平總督諸軍任專方
面時因謂之方嶽重任國家傾軛而晏然自守將受四海之責矣儉然之

元延熙十八年

魏正元二年
吳五鳳二年

春正月魏母邱儉父欽薨太后詔起

兵于壽春移檄州郡以討司馬師乃表言相國懿忠正有大勳于

社稷宜宥及後世請廢師以侯就第以弟昭代之太尉孚忠孝小

心護軍望忠公親事皆宜親寵授以要任望孚之子也儉又遣使

邀鎮南將軍諸葛誕誕斬其使

時譙郡
督豫州

儉欽將五六萬眾渡淮西

至項儉堅守使欽在外爲游兵先是白氣經天大將軍司馬師

召河南尹王肅問之肅曰此名嶺尤虞東南其有亂乎君若修己

以安百姓則天下安樂者歸德倡亂者先亡矣至是其言果驗師

又召肅謂之曰霍光感夏侯勝之言始重儒學之士良有以也安

國甯王其術焉在肅曰昔關羽虜于禁於漢濱有北向爭天下之

志後孫權襲取其將士家屬羽士眾一旦瓦解

事見六十八卷漢
獻帝建安二十四

年今淮南將士父母妻子皆在內州

魏制諸將出征及鎮守方面皆留質任時淮南將士皆自

內州出成故

但急往禦衛

禦衛欽之頃使不

得進又衛其家屬

使不得前必有關羽

土崩之勢矣時師新割曰

瘡創甚

瘡

或以爲大將軍不

宜自行不如遣太尉孚拒之惟王肅與尚書傅嘏中書侍郎鍾會

勸師自行師疑未決嘏曰

淮楚兵勁

青春故楚郡時爲淮南重鎮以兩衛吳勁兵聚焉而

儉等負力遠關其鋒未易當也若諸將戰有利鈍大勢一失則公

事敗矣師蹶然起曰我請與疾而東

蹶然急遽而起之貌

戊午師帥中外諸

軍以討儉欽

中謂中軍外謂城外諸營兵

以弟昭兼中領軍留鎮洛陽召三方

兵會于陳許

三方東西北也

官官祖送於城東時鄭袤以病不任會師謂

王肅曰唯不見鄭光祿爲恨肅以告袤袤與疾追師及于近道師

笑曰固知侯生必來也遂與共載問曰計將焉出袤曰毋邱儉好

謀而不達事情文欽勇而無算今大軍出其不意江淮之卒銳而

不能固宜深溝高壘以挫其氣此亞夫之長策也

漢周亞夫堅壁以破吳越師

稱善師以荊州刺史王基爲行監軍假節統許昌軍

魏晉之制使持節都督諸

軍爲上假節都督次之假節監諸軍又次之假節行監軍又基言

于師曰淮南之逆非吏民思亂也儉等誑誘迫脅畏目下之戮是

以向屯聚耳若大兵一臨必土崩瓦解儉欽之首不終朝而致于

軍門矣師曰善乃以基爲前軍旣而復救基停駐基以爲儉等舉

軍足以深入而久不前進是其詐僞已露眾心疑沮也今不張示

威形以副民望而停軍高壘有似畏懦非用兵之勢也若儉等虜

掠民人以自益又州郡兵家爲賊所得者更懷離心

言州郡兵其家有爲賊所

得者必懷反顧而儉等所迫脅者自顧罪重不敢復還此爲錯兵

有離散之心也

晉書王基傳 卷七十六 漢紀六十八 六

無用之地

傳軍不進是置之于無用之地

而成姦宄之源吳寇因之則淮南非國

家之有譙沛汝豫危而不安

豫卽潁川也豫州時治潁川故譙沛汝豫四郡皆屬豫州

此計

之大失也軍宜速進據南頓

南頓縣屬汝南郡故頓子即應劭曰頓迫于陳其後南徙故號南頓

頓有大邸閣計足軍人四十日糧保堅城因積穀先人有奪人之

心

左傳楚令尹孫叔敖之言也

此平賊之要也基屢請乃聽進據潁水

水經注汝水東

南頓定陵縣又東南逕奇鍾城枝分別出世謂之大潁水潁水東流至南頓縣北入于潁

閏月甲申師次于潁

橋儉將史招李續相次歸降王基復言于師曰兵聞拙速未覩爲

巧之久也

孫子之言

方今外有強寇內有叛臣

補遺強寇謂吳人叛臣謂儉欽若不時

決則事之深淺未可測也議者多言將軍持重將軍持重是也停

軍不進非也持重非不行之謂也進而不可犯耳今你壁壘以積

實資虜而遠運軍糧甚非計也師猶未許基曰將在軍君令有所

不受

孫子及司馬穰苴皆有是言

彼得亦利我得亦利是謂爭地

孫子之言所謂九地爭地

其一

南頓是也遂輒進據南頓儉等從項亦欲往爭發十餘里

兵發

而行十餘里

聞基先到乃復還係項

癸未魏征西將軍郭淮卒以雍

州刺史陳泰代之

吳丞相峻率驃騎將軍呂據左將軍會稽雷

贊襲魏壽春贊未至壽春道病峻令贊還為魏軍所追贊病困不

能整陳乃解曲蓋印綬付弟子以歸曰俱死無益也初贊為將臨

敵必先被髮叫天因抗晉而歌左右應之畢乃進戰戰無不克及

是歎曰吾戰有常術今病困若此固命也遂遇害魏司馬師命諸

軍皆深壁高壘以待東軍之集

東軍謂曹孫亮之軍也

諸將請進軍攻項師

曰諸君知其一未知其二淮南將士本無反志儉欽說誘與之舉

事謂遠近必應而事起之日淮北不從

淮北謂孫亮也

史招李續前後瓦

解內乖外叛自知必敗困獸思鬪左傳吳夫槩王曰困獸猶鬪速戰更合其志

雖云必克傷人亦多且儉等欺誑將士詭變萬端小與持久詐情

自露此不戰而克之術也乃遣諸葛誕督豫州諸軍自安風向壽

春安風縣前漢屬六安國後漢併屬廬江郡魏分安風等五縣置安豐郡屬豫州征東將軍胡遵督青徐

諸軍出譙宋之開宋謂梁國之地梁國都睢陽故宋都也絕其歸路師屯汝陽汝陽縣屬

汝南郡在汝水之北毋邱儉文欽進不得鬪退恐壽春見襲計窮不知所為

淮南將士家皆在北眾心沮散降者相屬惟淮南新附農民為之

用儉之初起遣健步齎書至兗州健步能疾走者兗州刺史鄧艾斬之將

兵萬餘人兼道前進先趣樂嘉城水經註潁水過汝陽縣北又東南過南頓縣潁水注之又南逕

將陽故城東城在南頓縣北四十里漢作浮橋以待師儉使文欽

宣帝封丙吉為侯國王莽更名樂嘉將兵襲之師自汝陽潛兵就艾于樂嘉欽猝見大軍驚愕未知所

爲欽子奮年十八勇力絕人謂欽曰及其未定擊之可破也于是

分爲二隊夜夾攻師軍驚率壯士先至鼓譟軍中震擾師驚駭所

病目突出恐眾知之嚙被皆破

嚙被以忍疼

欽失期不應會明奮見兵

盛乃引還師謂諸將曰賊走矣可追之諸將曰欽父子驍猛未有

所屈何苦而走師曰夫一鼓作氣再而衰

左傳晉曹劌之言

奮鼓譟失應

其勢已屈不走何待欽將引而東奮曰不先折其勢不得去也乃

與驍騎十餘摧鋒陷陳所向皆披靡遂引去師使左長史司馬班

率驍騎八千翼而追之奮以匹馬入數千騎中輒殺傷百餘人乃

出如此者六七追騎莫敢逼殿中人尹大目少爲曹氏家奴常在

魏主左右師將與俱行大目知師一目已出啟云文欽本是明公

腹心但爲人所誤耳又天子鄉里

文欽誰人故曰天子鄉里

素與大目相信乞

爲公追解語之令還與公復好師許之大目單身乘大馬被鎧胄
追欽遙相與語大目心實欲爲曹氏謬言君侯何苦不可復忍數
日中也欲使欽解其旨欽殊不悟乃更厲聲罵大目曰汝先帝家
人不念報恩反與司馬師作逆不顧上天天不祐汝張弓傳矢欲
射大目大目涕泣曰世事敗矣誓自努力是日母邱儉聞欽退恐
懼夜走眾遂大潰欽還至項以孤軍無繼不能自立欲還壽春壽
春已潰遂奔吳吳孫峻至東興聞儉等敗壬寅進至襄皋春秋會
吳于襄
舉杜預曰在九江遠道縣東南
今其地在巢縣界亦謂之柘皋
文欽父子詣軍降母邱儉走北至
恒縣恒縣漢屬汝南郡魏分屬汝陰郡賢曰恒縣故城在今潁州
潁上縣西北余按儉自項走至恒恒在項南非北也北乃比
字之
左右人兵稍棄儉去儉藏水邊草中甲辰安風津民張騰就

殺儉
水經注淮水東過安豐縣東北又東爲安豐津水南有城故
安豐郡尉治後立霍邱戍杜佑曰安豐津在壽州霍邱城北

傳首洛陽封爲侯諸葛誕至壽春壽春城中十餘萬口懼誅或
流避山澤或散走入吳詔以誕爲鎮東大將軍儀同三司都督揚
州諸軍事夷甫邱儉三族先是管輅嘗過儉先壠倚樹哀吟精神
不樂人問其故輅曰林木雖茂無形可久碑誄雖美無後可守元
武藏頭蒼龍無足白虎銜尸朱雀悲哭四危已備法當滅族不過
二載其應至矣卒如其言儉黨七百餘人繫獄侍御史杜友治之
惟誅首事者十餘人餘皆奏免之儉孫女適劉氏當死以孕繫廷
尉司隸主簿程咸議曰女適人者若已產育則成他家之母於防
不足以懲姦亂之源於情則傷孝子之恩男不遇罪於他族而女
獨嬰戮於二門非所以哀矜女弱均法制之大分也臣以爲在室
之女可從父母之刑旣醺之婦使從夫家之戮

毛覓曰醺冠娶祭
名酌而無醺醺曰

醴禮記曰醴於客位冠禮也父親醴子而命之迎昏禮也晉志曰古者昏冠皆有醴魏人從之仍著于律令

魏武陽忠武侯司馬師疾篤還許昌留中郎將參軍事賈充監

諸軍事充遂之子也衛將軍昭自洛陽往省師師令昭總統諸軍

辛亥師卒于許昌中書侍郎鍾會從師典知密事中詔敕尚書傅

嘏詔自中出上意也是時詔命皆以司馬氏之意行之此詔出于禁中之意故曰中詔以東南新定權留衛

將軍昭屯許昌爲內外之援令嘏率諸軍還會與嘏謀使嘏表上

輒與昭俱發還到洛水南屯住二月丁巳詔以司馬昭爲大將軍

錄尚書事會由是常有自矜之色嘏戒之曰子志大其量而勳業

難爲也可不慎哉爲後鍾會作亂張本吳孫峻聞諸葛誕已據壽春乃引

兵還以文欽爲都護鎮北大將軍幽州牧三月魏立皇后卞氏

大赦后武宣皇后弟秉之曾孫女也秋七月吳將軍孫儀張怡

林恂謀殺孫峻不克死者數十人全公主譖朱公主于峻曰與僕

同謀峻遂殺朱公主

朱公主吳主權之女適朱據者也

峻使衛尉馮朝城廣陵之魏

廣陵郡治淮陰漢之廣陵故城廢棄不治

功費甚眾舉朝莫敢言惟滕胤諫止之峻不

從功卒不成

姜維復議出軍征西大將軍張翼廷爭以爲國小

民勞不宜顯武維不聽率車騎將軍夏侯霸及翼同進八月維將

數萬人至枹罕

枹罕縣前漢屬金城郡後漢屬隴西郡魏時廢省

趙狄道魏征西將軍陳

泰敕雍州刺史王經進屯狄道須泰軍到東西合勢乃進泰軍陳

倉經所統諸軍於故關與維抗戰不利

故關謂漢時故邊關也在洮水西

經輒渡

洮水泰以經不堅據狄道必有他變率諸軍以繼之經已與維戰

于洮西太敗以萬餘人還保狄道城餘皆犇散死者萬計張翼謂

維曰可以止矣不宜復進或毀此大功爲蛇畫足

戰國策曰昭陽爲楚伐魏覆軍

殺將移師攻齊陳軫爲齊王使見昭陽曰楚有祠者賜其舍人酒
一卮舍人相謂曰數人飲之不足一人飲之有餘請各盡也爲蛇
先成者飲酒一人先成引酒飲之乃左手持卮右手畫蛇曰吾能
爲之足爲足未成一人之蛇後成奪其卮曰蛇固無足子安能爲
之足遂飲酒今君攻魏旣勝復移師
攻齊是爲蛇足者也昭陽悟乃還軍維大怒遂進圍狄道辛未魏
主髦詔長水校尉鄧艾行安西將軍與陳泰併力拒維戊辰復以
太尉孚爲後繼泰進軍隴西諸將皆曰王經新敗賊眾大盛將軍
以烏合之眾繼敗軍之後當乘勝之鋒殆必不可古人有言蝮蛇
螫手壯士解腕漢書田單曰蝮蛇螫手則斬手蓋足則斬足應劭
曰蝮一名虺螫人手足則割去其肉不然則死師
古曰爾雅及說文皆以爲蝮卽虺也博三寸首大如擘而郭璞云
各自一種蛇其蝮蛇細頭大頭焦尾色如絞文文間有毛如猪鬃
鼻上有鉞大者長七八尺一名反鼻非虺之類也今以俗名證之
郭說得矣虺若土色所在有之蛇惟出南方陸佃埤雅蝮蛇怒
時毒在頭尾蝮手則手斷蝮足則足斷蛇之尤毒烈者也孫子曰兵有所不擊地有所不守
蓋小有所失而大有所全故也不如據險自保觀釁待敵然後進救

此計之得者也泰曰姜維提輕兵深入正欲與我爭鋒原野求一

戰之利王經當高壁深壘挫其銳氣今乃與戰使賊得計經既破

走維若以戰克之威進兵東向據櫟陽積穀之實櫟陽縣前漢屬左馮翊後漢魏

省余謂櫟陽在長安東北維兵方至狄道安得便可東據櫟陽素蓋言略關耳櫟略聲相近因語譌而致傳寫字譌耳放兵

收降招納羌胡東爭關隴傳檄四郡四郡謂隴西南安天水略陽略陽時為廣魏郡及晉乃更名

略此我之所惡也而乃以乘勝之兵挫峻城之下銳氣之卒屈

力致命攻守勢殊客主不同兵書曰修櫓轆轤三月乃成拒堙三

月而後已此孫子之言也孫子之說以攻城為不得已魏武注曰修治也櫓大楯也轆轤者轆轤也轆轤其下四輪從中

推之至城下也杜佑曰攻城戰具作四輪車車上以繩為育生牛皮蒙之下可藏十人填堙推之直抵城下可以攻掘金火木石所

不能敗謂之轆轤車注又曰距堙者踣土稍高而前以附其城也杜佑曰土山即孫子所謂距闔也應劭曰轆轤匈奴車非也蓋攻

城之車耳○精誠非輕軍遠入之利也今雖孤軍遠僑客也糧音墳輓音風

齊治通鑑補卷四十六 漢紀六十八 五 惠崇撰

穀不繼是我速進破賊之時所謂疾雷不及掩耳

文子之言淮南子亦有是言

自然之勢也洮水帶其表維等在其內今乘高據勢臨其項領不

戰必走寇不可縱圍不可久君等何言如是遂進軍度高城嶺

注曰隴西首陽縣有高城嶺嶺上有城曰渭源城潛行夜至狄道東南高山上多舉燧火

鳴鼓角狄道城中將士見救至皆憤踊維不意救兵卒至緣山急

來攻之泰與交戰維退泰引兵揚言欲向其還路維懼九月甲辰

維遁走城中將士乃得出王經歎曰糧不至旬向非救兵速至舉

城屠裂覆喪一州矣隴西略陽天水南安秦州也泰慰勞將士前後遣還更差

軍守并治城壘還屯上邽泰每以一方有事輒以虛聲擾動天下

故希簡上事驛書不過六百里狄道東至洛陽二千二百餘里而驛書不過六百里蓋傳入近裏郡

縣使如常郵倚大將軍昭曰陳征西沈勇能斷荷方伯之重救將

以達洛陽也

陷之城而不求益兵又希簡上事必能辦賊者也都督大將不當

爾邪姜維退駐鍾提

鍾提當在羌中蜀之涼州界也

初吳大帝不立太廟以武

烈當爲長沙太守立廟于臨湘

吳大帝遺其父堅曰武烈皇帝長沙郡治臨湘縣

使太守

奉祀而已冬十月始作太廟于建業尊大帝爲太祖

考吳曰吳歷太平元年正月

月立太祖廟沈約宋書孫亮立

明年正月立魏廟今從吳志

魏有鮑出者京兆新豐人也少

好游俠興平中三輔亂出兄弟五人共守老母以飢餓鬻其母守

舍五人相將採蓬實合得數升出使其兄初雅及弟成持歸爲母

作食獨與小弟在後採蓬初等到家而噉人賊數十人已略其母

以繩貫手掌驅去初等怖恐不敢追逐須臾出歸便欲追賊兄弟

皆云賊眾當如何出怒曰有母而使賊將去責噉何用活爲乃攘

臂結衽獨追之行數里及賊賊望見出來乃布列待之出到便斫

賊四五人賊走復合聚而圍出出跳越斫之又殺十餘人賊分布
驅出母前去賊追擊出不勝乃走與前輩合出復追擊之見母與
比舍嫗同貫相連出益痛憤死剛怒氣百倍賊懼乃問出曰卿欲
何求出且泣且詈指而言曰是非我母耶賊乃解母還之比舍嫗
遙望出哀求出復斫賊賊曰已還卿母何爲不去出指求哀嫗曰
此吾嫂也賊復解還之出乃攜母客南陽建安五年關中始平山
來北歸而其母不能步行兄弟欲共輿之出以車歷山險危殆不
安不如負之爲穩乃以籠盛其母獨自負之到鄉里鄉里士大夫
嘉其孝烈欲薦之州郡出曰田民不堪冠帶至魏青龍中母年百
餘歲乃卒出時年七十餘行喪如禮至是出年且八九十而才若

五六十者

資治通鑑補卷七十六終

資治通鑑補卷第七十七

宋涑水司馬光編集

明

後學天台胡三省音註

後學吳郡嚴衍補

後學吳郡談允厚參

漢紀六十九

起延熙十九年盡景祐四年凡六年

後皇帝下之中

丙延熙十九年

魏甘露元年吳太平元年

春正月姜維進位大將軍 二月丙

辰魏主懿宴羣臣於太極東堂與諸儒論夏少康漢高祖優劣以

少康為優

帝謂少康生子滅亡之後降為諸侯之隸能布其德而兆其謀卒滅過戈克復禹績祀夏配天不失舊物非至

德宏仁豈濟斯勳漢祖因主歲之勢杖一時之權尊任智力以成功業行事動靜多違聖檢為人子則數危其親為人君則囚繫賢相為人父則不能衛子身沒之後社稷幾傾若與少康易時而處未必能復大禹之緒

魏少府丞管輅卒

輅字公明平原人也容貌粗醜無威儀而嗜酒飲食言戲不擇非類故人多愛之而不敬也年八九歲便喜仰視星辰夜不向寐父母禁之而不止嘗云家雞野鵲猶尙知時況于人乎與鄰兒共戲輒畫地作天文父爲琅邪卽邱長輅年十五來至官舍始讀詩論語及易本便闊淵有筆辭義斐然發上諸生四百餘人皆服其才太守單子春雅有材度請與相見大會賓客百餘人皆能言之士也輅謂子春曰府君名士加有雄貴之姿輅旣年少膽未堅剛若欲相觀懼失精神請先飲清酒三升何如子春大喜便酌三升清酒使獨飲之輅飲盡問子春曰今欲與輅爲對者府君耶四坐之士耶子春曰吾欲自與卿旗鼓相當輅言始讀詩論易本學問微淺未能上引聖人之道陳秦漢之事但欲論金木水火土鬼神之

情耳子春曰此最難者而卿以爲易耶于是唱大論之端遂經於

陰陽文采葩流

葩音伯平聲

枝葉橫生少引聖籍多發天然子春及眾

互相攻擊論難鋒起而輅人人對答言皆有餘子春語眾人曰此

年少盛有材氣聽其言論正似司馬犬子游獵之賦

犬子司馬相如小名

何其磊落雄壯也于是發聲徐州號爲神童利漕民郭恩善周易春

秋又能仰觀輅就恩讀易數十日中意便開發言難踰師又學仰

觀三十日中通夜不臥語恩曰君但相語墟落處所耳至于推運

會論災異自當出吾天分學未一年恩反從輅問易及天文事要

恩每聽輅語未嘗不推案慷慨曰聞君至論忘我篤疾明闇之不

相逮何其遠也性通鳥語勃海劉長仁問其說輅答曰夫天雖有

大象而不能言故運星精于上流神明于下驗風雲以表異役鳥

獸以通靈表異者必有沈浮之候通靈者必有宮商之應是以宋襄失德六鵠竝退伯姬將焚烏唱其災四國未火融風已發赤烏夾日殃在荆楚此乃上天之所使自然之明符也至于分誓布卦精義入神管路逢一小人失妻輅爲盜之教使明旦于東陽城問中人伺擔豚人牽與共歸具如其言豚逸走卽共追之豚入人舍突破主人嬖婦從囊中出一人患斃失火令輅筮之輅教使明晨于南陌上伺當有一角巾諸生駕黑牛故車必引留爲設賓主此能消之卽從輅戒果得諸生諸生有急求夫不聽強留之宿生大不安疑爲圖己中夜生乃把刀出門倚積薪而隱歎有一小物直來過前手中持火以口吹之生驚怖舉刀斫之正斫其妻視之乃狐也火患遂絕其巧中多類此其弟辰嘗欲學其術輅言卿不可教耳天上非至精不能見其數非至妙不能視其道孝經詩論足爲三公無用知此也石苞嘗問輅曰聞君鄉里翟文耀能隱形其事信乎輅曰此但陰陽蔽匿之數苟得其數則四嶽可藏河海可逃況以七尺之形游變化之內散雲霧以幽

身布金水以滅迹術足數成不足爲難荀曰君何以不隱轍曰夫
淩虛之鳥愛其清高不願江漢之魚淵沼之魚樂其濡溼不易騰
風之鳥由性異而分不同也僕自欲正身以明道直己以行義見
數不足以爲異知術不足以爲奇夙夜研幾孳孳溫故而索隱行
怪未暇斯務也輅體性寬大多所含受憎己不憚愛己不褻每欲
以德報怨常謂忠孝信義人之根本不可不厚廉介細直士之浮
飾不足爲務也自言知我者希則我貴矣安能斷江河之流爲激
石之清樂與季主論道不與漁父同舟此吾志也

季主者司馬季
至也以下筮爲

業書與宋忠賈誼論道事見史記
日者傳漁父隱士也見屈原傳

諸葛原亦好卜筮數與輅談論

深服其微妙後與輅別戒以二事言卿性樂酒量雖溫克然不可
係身當當節之卿有水鏡之才所見者妙仰觀雖神禍如膏火不

可不慎輅言酒不可極才不可盡吾欲持酒以禮持才以愚何患
之有弟辰嘗謂之曰大將軍司馬公待君意厚冀當富貴乎輅歎
曰吾自知有分直耳然天與我才明不與我年壽恐四十七八閒
不見女嫁男昏也若得免此欲作洛陽令可使路不拾遺枹鼓不
鳴但恐至泰山治鬼不得治生人耳辰問其故輅曰吾額上無生
骨眼中無守精鼻無梁柱腳無天根背無三甲腹無三壬此皆不
壽之驗也至是而卒年果四十八夏四月魏主髦賜大將軍昭
袞冕之服赤舄副焉丙辰魏主髦幸太學與諸儒論書易及禮
諸儒莫能及帝與博士詣于後論易魏主嘗與中護軍司馬望
侍中王沈散騎常侍裴秀黃門侍郎鍾會等講宴于東堂并屬文
論特加禮異謂秀爲儒林丈人沈爲文籍先生魏主性急請召欲

速以望職在外特給追鋒車虎賁五人

望爲中護軍其職在外追鋒車滿通德則乘之令

虎賁五人昇之也晉志曰追鋒車去小平蓋加通德如紹車駕二馬追鋒之名取其迅速也施于戎路之閒是爲傳乘

每有

集會輒犇馳而至秀潛之子也

裴潛事武帝守代郡得名

少好學有風操八歲

能屬文叔父徽有盛名賓客甚盛秀年十歲有詣徽者必過秀然

秀母賤嫡母宣氏不之禮嘗使進饌于客見者皆爲之起秀母曰

微賤如此當應爲小兒故也宣氏知之乃止時人爲之語曰後進

領裏有裴秀

六月丙午魏改元甘露

舊以甘露降而改元也

姜維在鍾

提魏人多以爲維力已竭未能更出安西將軍鄧艾曰洮西之敗

見上卷

非小失也士卒凋殘倉廩空虛百姓流離今以策言之彼

有乘勝之勢我有虛弱之實一也彼上下相習五兵犀利

管子曰蚩尤受

震山之金而作五兵孔穎達曰步卒之五兵謂弓矢一矢二矛三戈四戟五也鄭司農所謂戈矛戟酋矛夷矛車矛五兵也辟堅也

古以犀兕爲甲

故謂堅爲犀

我將易兵新器仗未復二也

將易艾自謂初代王經也兵新謂遣還洮

西敗卒更彼以船行吾以陸軍勞逸不同三也

言蜀船自涪戍白水可以上沮水由

沮水入武都下辨自此而西北水路漸峻小舟猶可入也魏軍度隴而西皆陸行存疑陸軍二字以文義求之當是運字然魏志

艾傳亦是軍字

故不敢妄改 狄道隴西南安祁山各當有守彼專爲一我分爲

四四也從南安隴西因食羌穀若趣祁山熟麥千頃爲之外倉賊

有計計其來必於秋七月姜維復率眾出祁山聞鄧艾已有備乃

回從董亭趣南安

水經注董亭在南安郡西南谷水歷其下東北注于渭

艾據武城山以拒

之

水經注渭水過縣道南原道南安郡治也又東逕武城縣西武城川水入焉蓋以山名縣也○孫資元又音恒維與艾

爭險不克其夜渡渭東行緣山趣上邽艾與戰于段谷

水經注上邽之南有

段溪水水出西南馬門溪東北流合

諸水曰俗曰秦川上邽縣有段谷水 大破之魏以艾爲鎮西將軍

都督隴右諸軍事維與鎮西大將軍胡濟期會上邽濟失期不至

故敗士卒星散死者甚眾蜀人由是怨維維上書謝求自貶黜乃

以衛將軍行大將軍事 八月庚午魏詔司馬昭加號大都督奏

事不名假黃鉞癸酉以太尉司馬孚為太傅 九月魏以司徒高

柔為太尉 文欽說吳人以伐魏之利孫峻使欽與驃騎將軍呂

據及車騎將軍劉纂鎮南將軍朱異前將軍唐咨自江都入淮泗

江都縣屬廣陵郡此自以圖青徐魏青州統齊魯兩郡安城陽東

邢溝入淮自淮入泗也東莞東安廣陵臨淮晉志曰周禮曰正東曰青州蓋取土萊徐州統下邳彭城東海琅邪

居少陽其色為青徐州取舒緩之義或云因徐邱以立名峻餞之

于石頭忽然心痛而歸夢為諸葛恪所擊恐懼不能起乃以後事

付從父弟偏將軍繇丁亥峻卒吳人以繇為侍中武衛將軍都督

中外諸軍事召呂據等還 己丑吳大司馬呂岱卒年九十六始

岱親近吳郡徐原慷慨有才志岱知其可成賜巾襜釋名巾蓋也

冠庶人巾言當自謹修于四教講單衣漢魏以來士庶以爲禮服

與共言論後遂薦拔官至侍御

史原性忠壯好直言岱時有得失原輒諫爭又公論之人或以告

岱岱歎曰是我所以貴德淵者也

徐原字德淵

及原死岱哭之甚哀曰

徐德淵呂岱之益友今不幸岱復于何聞過談者美之 吳呂據

聞孫綝代孫峻輔政大怒與諸督將連名共表薦滕胤爲丞相綝

更以胤爲大司馬代呂岱駐武昌據引兵還使人報胤欲其廢綝

冬十月綝遣從兄憲將兵逆據于江都使中使敕文欽劉纂唐咨

等共擊取據又遣侍中左將軍華融中書丞丁晏告喻胤宜速去

意胤自以禍及因畱融晏勒兵自衛召典軍楊崇將軍孫咨

楊崇蓋胤

張下典軍

告以綝爲亂迫融等使爲誓難綝不聽表言胤反許將軍

劉丞以封爵使率兵騎攻圍胤胤又劫融等使詐爲詔發兵融等

質不從脅皆殺之或勸盾引兵至蒼龍門

蒼龍門吳建業官之東門也

將士見

公出必委絃就公也

委棄

時夜已半盾恃與據期又難舉兵向宮乃

約令部曲說呂侯兵已在近道故皆爲盾盡死無離散者盾顏色

不變談笑如常時大風比曉據不至絃兵大會遂殺盾及將士數

十人夷盾三族己酉大赦改元太平或勸呂據絳魏者據曰吾恥

爲叛臣遂自殺

據父範佐孫策以造吳故取爲叛臣自殺以明節

魏以司空鄭沖爲司

徒左僕射盧毓爲司空

晉志曰尙書僕射漢本置一人至漢獻帝建安四年以執金吾榮爲尙書左僕射

僕射分置左右蓋自此始經魏至晉迄于江左省置無常置二則

爲左右僕射或不兩置但曰尙書僕射令闕則左爲省主若左右

並闕則置尙書

毓固讓驃騎將軍王昶光祿大夫王觀司隸校尉

琅邪王祥詔不許祥性至孝繼母朱氏不慈數譖之由是失愛于

父每使掃除牛下祥愈恭謹父母有疾衣不解帶湯藥必親嘗母

嘗思生魚時天寒冰凍祥解衣將剖冰求之冰忽自解雙鯉躍出
母又思黃雀炙復有黃雀數十飛入其幕有丹素縑實母命守之
每風雨祥輒抱樹而泣其篤孝純至如此朱氏子覽年數歲每見
祥被楚撻輒涕泣抱持母母以非理使祥覽輒與祥俱往及長娶
妻母虐使祥妻覽妻亦趨而共之母患之爲之少止祥漸有時譽
母深疾之密使酖祥覽知之徑起取酒祥爭而不與母遽奪反之
自後母賜祥饌覽輒先嘗母懼覽致斃遂止漢末遭亂祥隱居三
十餘年不應州郡之命母終毀瘁杖而後起徐州刺史呂虔檄爲
別駕委以州事州界清靜政化大行時人歌之曰海沂之康實賴
王祥徐州之地東際海西十一月吳孫綝北距泗沂故曰海沂邦國不空別駕之功

遷大將軍綝負貴倨傲多行無禮峻從弟憲嘗與誅諸葛恪峻厚

選之官至右將軍無難督平九官事

九官明九卿也

繇遇憲薄于峻時憲

怒與將軍王惇謀殺繇事泄繇殺惇憲服藥死 魏蘭陵景侯王

肅卒肅字子雍善賈馬之學而不好鄭氏采會同異爲尚書詩論

語三禮左氏解其父朗先有易傳肅更爲撰定皆列于學官其所

論駁朝廷典制郊祀宗廟喪紀輕重凡百餘篇劉賁以肅爲人有

三反方于事上而好下佞己一反也性嗜榮貴而不求符合二反

也吝惜財物而治身不穢三反也 天赦 立皇子璜爲新平王

延熙二十年

魏甘露二年吳太平二年

春三月魏大梁成侯盧毓卒

夏四

月吳主亮臨正殿大赦始親政事孫繇表奏多見難問又科兵子

弟十八以下十五已上三千餘人

科程也程其長短小大也或曰科當作料量度也

選大

將子弟年少有勇力者使將之日于苑中教習曰吾立此軍欲與

之俱長又數出中書視大帝時舊事問左右侍臣曰先帝數有特

制特制謂特出上意

今大將軍問事

問事猶言奏事不言

但令我

書可耶嘗食生梅使黃門至中藏取蜜

中藏中藏府也掌幣帛金銀諸貨物蜜蠶餽也蜜

中有鼠矢召問藏吏藏吏叩頭吳主曰黃門從爾求蜜耶吏曰向

求實不敢與黃門不服吳主令破鼠矢矢中燥因大笑謂左右曰

若矢先在蜜中中外當俱溼今外溼裏燥此必黃門所爲也詰之

果服左右莫不驚悚

魏征東大將軍諸葛誕素與夏侯元鄧颺

等友善元等死王淩母邱儉相繼誅滅誕內不自安乃傾帑藏振

施出舍有罪以收眾心畜養揚州輕俠數千人以爲死士因吳人

欲向徐暵

徐暵卽徐塘在東關之東

請十萬眾以守壽春又求臨淮築城以備

吳寇司馬昭初秉政長史賈充請遣參佐慰勞四征

魏置征東將軍屯淮南征

南將軍屯襄陽以備吳征西將軍屯關隴以備蜀征北將軍屯密井以備鮮卑皆授以重兵司馬昭初當國故充請慰勞以觀其志趣且觀其志昭遣充至淮南充見誕論說時事因曰洛中諸賢皆

願禪代君以為如何誕厲聲曰卿非賈豫州子乎

充父達先為豫州而卒故稱之

世受魏恩豈可欲以社稷輸人乎若洛中有難吾當死之充默然

還言于昭曰諸葛誕再在揚州

誕先督揚州東關之敗改督豫州毋邱儉既死復督揚州得士

眾心今召之必不來然反疾而禍小不召則反遲而禍大不如召

之昭從之甲子詔以誕為司空召赴京師誕得詔書愈恐謂人曰

我作公當在王文舒後今便為司空邪

文舒王昶字也

且不遣使者而令

健步齎書使以兵付樂綝此必綝所為乃遂殺綝

時綝為揚州刺史與誕同治壽

春魏四征之任率以其州刺史為儲帥故誕疑綝開已

斂淮南及淮北郡縣田口十餘萬

官兵

魏郡縣皆屬屯田凡屯田口悉官兵也

揚州新附勝兵者四五萬人聚穀足一

年食爲閉門自守之計遣長史吳綱將少子覲至吳稱臣請救并請以牙門子弟爲質 吳滕盾呂據之妻皆夏口督孫壹之妹也

壹係吳庶子也

六月孫綝使鎮南將軍朱異自虎林將兵襲壹異至武昌壹將部曲犇魏乙巳魏拜壹車騎將軍交州牧封吳侯開府辟召

儀同三司袁詡赤烏事從豐厚

魏司馬昭奉魏主髦及太后討

諸葛誕

昭若自行恐後有挾兩宮爲變者故奉之以討誕

吳綱至吳吳人大喜使將軍全

惲全端唐咨王祚將三萬眾與文欽同救誕以誕爲左都護假節

大司徒驃騎將軍青州牧封壽春侯惲琮之子端其從子也六月

甲子魏師次項司馬昭督諸軍二十六萬進屯邱頭

是役也司馬昭改邱頭曰

武邱以旌武功武邱唐爲沈邱縣

以鎮南將軍王基行鎮東將軍都督揚豫諸軍

事與安東將軍陳騫等圍壽春基始至圍城未合文欽全惲等從

城東北因山乘險得將其眾突入城

壽春城外他無山雅城北有八公山耳

昭收基

歟軍堅壁基累求進討會吳朱異率三萬人進屯安豐爲文欽外

勢

安豐縣漢屬廬江郡魏分屬安豐郡今安豐縣在壽春南八十里

詔基引諸軍轉據北山基謂

諸將曰今圍壘轉固兵馬向集但當精修守備以待越逸而更移

兵守險使得放縱雖有智者不能善其後矣遂守便宜上疏曰今

與賊家對敵當不動如山若遷移依險人心搖蕩于勢大損諸軍

竝據深溝高壘眾心皆定不可傾動此御兵之要也書奏報聽

基

聽行其策時帝在軍故諸軍節度皆稟詔指而裁其可否者實司馬昭也

于是基等四面合圍表裏再

重斬壘甚峻文欽等數出犯圍逆擊走之司馬昭又使奮武將軍

監青州諸軍事石苞督兗州刺史州泰徐州刺史胡質簡銳卒爲

游軍以備外寇泰擊破朱異于陽淵

水經注決水出廬江雩婁縣北過安豐縣東又北右會陽

泉水水西有泉故城故陽泉鄉也漢
武帝封黃琬為侯國泝水又北入于淮 異走泰追之殺傷二千

人秋七月吳大將軍綝大發兵出屯鎩里
後吳主責孫綝以雷湖中不上岸一步則鎩里

當在巢復遣朱異帥將軍丁奉黎斐等五人前解壽春之圍異留

韓重於都陸
水經注博鄉縣王莽改曰楊陸泄水出焉北過芍陂又西北入于淮意者都陸即楊陸歟又據晉志都陸

在黎進屯黎漿
水經注芍陂陂水東逕黎漿亭南又東注肥水謂之黎漿水口也石苞州泰又擊

破之太山太守胡烈以奇兵五千襲都陸盡焚異資糧異將餘兵

食葛葉走歸孫綝使異更死戰異以士卒乏食不從綝命綝怒

九月己巳絛斬異于鎩里
補註異朱桓之子也少與張純張嚴俱

三人方名欲試之告曰老鄭相間似渴甚矣夫腰裏以迅騾為功

有威出則有獲韓廋朱鵠書名竹帛純賦席曰席以冬設簾為夏

施掛讓而坐君子攸宜異賦弩曰南嶽之絲鍾山之銅應機命中

吳主高壩三人各適目所見而賦之皆先成而後坐據大悅後拜

騎都尉代桓領兵累遷鎮南將軍假節為大都督至是為鎮所害

○駢音香
駢音鳥

辛未引兵還建業緄既不能拔出諸葛誕而喪敗士眾

自戮名將由是吳人莫不怨之

爲後吳謀
孫緄張本

司馬昭曰吳不得至壽

春而吳人殺之非其罪也欲以謝壽春而堅誕意使其猶望救耳
今當堅圍備其越逸而多方以誤之乃縱反開揚言吳救方至大
軍乏食分遣羸疾就穀淮北勢不能久誕等益寬恣食俄而城中
乏糧外救不至將軍蔣班焦彝皆誕腹心謀主也言于誕曰朱異
等以大眾來而不能進孫緄殺異而歸江東外以發兵爲名內實
坐須成敗今宜及眾心尙固士卒思用并力決死攻其一面雖不
能盡克猶有可全者空坐守死無爲也文欽曰公今舉十餘萬之
眾歸命于吳而欽與全端等皆同居死地父兄子弟盡在江表就
孫緄不欲來主上及其親戚豈可聽乎且中國無歲無事軍民並

疲今守我一年內變將起奈何舍此欲乘危徼倖乎班彝固勸之

欽怒誕欲殺班彝二人懼十一月棄誕踰城降魏全懌兄子輝儀

在建業

輝儀懌兄全緒之二子輝一作禕

與其家內爭訟攜其母將部曲數十家

奔魏于時懌與兄子靖及全端弟嗣緝皆將兵在壽春城中司馬

昭用黃門侍郎鍾會策密爲輝儀作書使輝儀所親信齎入城告

懌等說吳中怒懌等不能拔壽春欲盡誅諸將家故逃來歸命十

二月懌等帥其眾數千人開門出降城中震懼不知所爲魏拜懌

平東將軍封臨湘侯端等封拜各有差姜維聞魏分關中兵以

赴淮南欲乘虛向秦川

秦地四塞以爲固渭水貫其中渭川左右沃壤千里世謂之秦川

率數萬

人出賂谷至沈嶺時長城積穀甚多而守兵少魏征西將軍都督

雍涼諸軍事司馬望及安西將軍鄧艾進兵據之以拒維維壁于

芒水

水經注縣谷水出焉東南山縣谷北流逕長城西又流

居縣竹園中又北流注于泗余案縣谷在數挑戰艾不應是時

維數出兵蜀人愁苦中散大夫譙周作仇國論以諷之曰或問往

古能以弱勝強者其術如何曰吾聞之處大無患者常多慢處小

有憂者常思善多慢則生亂思善則生治理之常也故周文養民

以少取多句踐蠲眾以弱斃強此其術也或曰憂者項曠漢弱相

與戰爭項羽以漢約分鴻溝各歸息民張敖以爲民志已定則難

動也率兵追羽終斃頃氏豈必由文王之事乎曰當商周之際王

侯世尊君臣久固民習所專深根者難拔據固者難遷當此之時

雖漢祖安能杖劍鞭馬而取天下乎及秦罷侯置守之後民疲秦

役天下上崩或歲易主或月易公鳥驚獸駭莫知所從於是豪彊

爭自雄長

竝爭虎裂狼分疾搏者獲多遲後者見吞今我與彼皆傳國易世
矣既非秦末鼎沸之時實有六國竝據之勢故可爲文王難爲漢
祖夫民疲勞則騷擾之兆生上慢下暴則瓦解之形起諺曰射幸
數跌不如審發數差也射數差而不中不如審而後發也書曰若成棧張往省括于度則釋是故智者
不爲小利移目不爲意似改步補註意似謂意之所揣度當如此而未有實見也時可而

後動數合而後舉故湯武之師不再戰而克誠重民勞而度時審
也如遂極武黷征土崩勢生不幸遇難雖有智者將不能謀之矣
爾巴西人也幼孤與兄弟同居既長耽古篤學家貧未嘗問產業
研精六經欣然鬪笑以忘寢食尤善書札頗曉天文而不以問意
諸子文章非心所存不觀也身長八尺體貌素朴性推誠不飾無
造次辨論之才然潛識內敏建興中丞相亮領益州牧命周爲勸

學從事周初見亮左右皆笑既出有司請推笑者亮曰孤尙不能

忍況左右乎 天赦

賈景耀元年

魏甘露三年吳景帝孫休永安元年

春正月吳文欽謂諸葛誕曰蔣班

焦彝謂我不能出而走全端全憐又率眾逆降

逆逆

此敵無備之

時也可以戰矣誕及唐咨等皆以爲然遂大爲攻具晝夜五六日

攻南園欲決圍而出園上諸軍臨高發石車火箭

石車即砲車也

逆燒破

其攻具矢石雨下死傷蔽地血流盈漸復還城城內食轉竭出降

者數萬口欽欲盡出北方人省食與吳人堅守誕不聽由是爭恨

欽素與誕有隙徒以計合事急愈相疑欽見誕計事誕遂殺欽欽

子騫虎將兵在小城中

騫虎欽二子也時壽春蓋別有小城

聞欽死勒兵赴之眾不

爲用遂單走踰城出自歸于司馬昭軍吏請誅之昭曰欽之罪不

容誅其子固應就戮然鴛虎以窮歸命且城未拔殺之是堅其心也乃赦鴛虎使將數百騎巡城呼曰文欽之子猶不見殺其餘何懼又表鴛虎皆爲將軍賜爵關內侯城內皆喜且日益飢困司馬昭身自臨關見城上持弓者不發曰可攻矣乃四面進軍同時鼓譟登城二月乙酉克之誕容急單馬將其麾下突小城欲出司馬胡奮部兵擊斬之夷其三族誕麾下數百人皆拱手爲列不降每斬一人輒降之卒不變以至於盡誕性義烈能舍己以急人初爲尙書郎時與僕射杜畿試船陶河遭風覆沒誕與畿俱溺虎賁浮河救誕誕揮手曰先救杜侯誕遂飄沈遠岸絕而復蘇其臨危篤義如此故人多樂爲之死吳將于詮曰大丈夫受命其主以兵救人既不能克又束手于敵吾弗取也乃免曹瞞陳而死唐咨王祚

等皆降

唐谷本魏人降吳見七
十卷文希黃初六年

吳兵萬器仗山積司馬昭初圍

壽春王基石苞等皆欲急攻之昭以爲壽春城固而眾多攻之必

力屈若有外寇表裏受敵此危道也今三叛相聚於孤城之中

三叛

謂諸葛誕支
欽唐咨也

天其或者使同就戮吾當以全策縻之但堅守三面

若吳賊陸道而來軍糧必少吾以游兵輕騎絕其轉輸可不戰而

破也吳賊破欽等必成禽矣乃命諸軍案甲而守之卒不煩攻而

破初壽春地卑下每歲雨潦淮水溢常淹毀城邑故北軍之築圍

誕竊笑之曰是固不攻而自敗也及大軍攻圍亢旱累月城既陷

是日大雨圍壘皆毀議者以淮南仍爲叛逆

仍相
因也

吳兵家室在江

南不可縱宜悉坑之昭曰古之用兵全國爲上戮其元惡而已吳

兵就得亡還適可以示中國之大度耳一無所殺分布三河近郡

以安處之

河南都也河東河內皆近京

拜唐咨安遠將軍其餘裨將咸假位號

眾皆悅服其淮南將士吏民爲誕所脅略者皆赦之聽文鶩兄弟

收斂父喪給其車牛致葬舊墓

文鶩諱人也舊墓在焉

昭遺王基書曰初議

者云云求移者甚眾

謂前詔諸軍轉據北山

時未臨履亦謂定然將軍深算

利害獨秉固志上違詔命不拒眾議終至制敵禽賊雖古人所述

不是過也昭欲遣諸軍輕兵深入招迎唐咨等子弟因費有滅吳

之勢王基諫曰昔諸葛恪乘東關之勝竭江表之兵以圍新城城

既不拔而眾死者大半姜維因洮西之利輕兵深入糧餉不繼軍

覆上邽夫大捷之後上下輕敵輕敵則慮難不深今賊新敗於外

又內患未弭

謂孫繼君臣相猜

是其修備設慮之時也且兵出踰年人有

歸志今俘馘十萬罪人斯得自歷代征伐未有全兵獨克如今之

盛者也武皇帝克袁紹於官渡自以所獲已多不復追裨懼挫威

也事見六十三卷昭乃止以其爲征東將軍都督揚州諸軍事進

封東武侯

習鑿齒曰君子謂司馬大將軍於是役也可謂能以德攻矣左傳

晉文公城濮之勝君子謂晉於是役也以德攻夫建業者異道各有所尙而不能兼

并也故窮武之雄斃於不仁存義之國喪於懦退今一征而禽

三叛大虜吳眾席卷淮浦俘馘十萬可謂壯矣而未及安坐賞

王基之功種惠吳人結異類之情寵爲葬欽忘疇昔之隙不咎

誕眾使揚士懷愧功高而人樂其成業廣而敵懷其德武昭既

敷文算又洽推是道也天下其孰能當之哉

魏司馬昭之克壽春鍾會謀畫居多昭親待日隆委以腹心之任

時人比之子房 姜維聞諸葛誕死復還成都復拜大將軍 更

官言景星見於是大赦改元 夏五月魏詔以司馬昭爲相國封

晉公食邑八郡加九錫昭前後九讓乃止 秋七月吳主亮封故

齊王奮爲章安侯 八月魏以驃騎將軍王昶爲司空 魏以關

內侯王祥爲三老鄭小同爲五更魏主髦率羣臣詣太學行養老

乞言之禮 記曰凡養老五帝憲養氣體而不乞言有善則記之以

出停史記其停厚 祥南面几杖以師道自居爲陳政化之要以訓

之聞者莫不砥礪小同元之孫也 鄭元別傳曰元有子爲孔融吏

害有遺腹子以丁卯日生而 素與司馬昭相善嘗聞往詣之昭適

如廁而小同直入其室昭時有密疏未屏及從廁還問小同曰卿

見吾疏乎曰不見昭曰甯吉負卿無卿負我遂酖之 吳孫綝以

吳主亮親覽政事多所難問甚懼返自鏡里并稱疾不朝使弟威

遠將軍據入蒼龍門宿衛武衛將軍恩偏將軍幹長水校尉闔分

屯諸營欲以自固吳主惡之乃推朱公主死意朱公主死上全

公主懼曰我實不知皆朱據二子熊損所白是時熊為虎林督損

為外部督吳主皆殺之損妻即孫峻妹也琳諫不從由是益懼吳

主陰與全公主及劉承謀誅琳全后父尚為太常衛將軍吳主謂

尚子黃門侍郎紀曰孫琳專執輕小於孤孤前敕之使速上岸為

唐咨等作援而阻湖中不上岸一步又委罪於朱異擅殺功臣不

先表聞築第橋南朱雀不復朝見此為自在無所復畏不可久忍

今規取之規圖也卿父作中軍都督衛將軍督中軍使密嚴整士馬孤當自

出臨橋率宿衛虎騎左右無難一時聞之吳有左右無難營兵作版詔

敕緄所領皆解散不得舉手正爾自當得之

正爾猶言正如此也

卿去但當

使密耳卿宜詔卿父勿令卿母知之女人既不曉大事且緄同堂姊邇近漏泄誤孤非小也紀承詔以告尙尙無遠慮以語紀母母使人密語緄九月戊午緄夜以兵襲尙執之遣弟恩殺劉承於蒼龍門外比明遂闔宮吳主大怒上馬帶鞬執弓欲出曰孤大皇帝適子在位已五年誰敢不從者侍中近臣及乳母共牽攀止之不得出歎咤不食罵皇后曰爾父憤憤敗我大事又遣呼紀紀曰臣父奉詔不謹負上無面目復見因自殺緄使光祿勳孟宗告太廟廢吳主爲會稽王召羣臣議曰少帝荒病昏亂不可以處大位承宗廟已告先帝廢之諸君若有不同者下異議皆震怖曰唯將軍令緄遣中書郎李崇奪吳主璽綬以吳主罪班告遠近尙書桓彝

不可署名。綝怒殺之。典軍施正勸綝迎立琅邪王休。綝從之。己未。

綝使宗正楷與中書郎董朝

楷以吳同爲宗正

迎琅邪王於會稽。

吳建興元年

徙丹陽既又徙會稽

遣將軍孫耽送會稽王亮之國。亮時年十六。徙全尚於

零陵。尋追殺之。遷全公主於豫章。冬十月戊午。琅邪王行至曲阿。

杜佑曰曲阿今丹陽郡丹陽縣界

有老公遮王叩頭曰。事久變生。天下喁喁。願王

速行。王善之。是日進及布塞亭。孫綝以琅邪王未至。欲入居宮中。

召百官會議。皆惶怖失色。徒唯唯而已。遷曹郎虞汜曰。明公爲國

伊周處將相之任。擅廢立之威。將上安宗廟。下惠百姓。大小踴躍。

自以伊霍復見。今迎王未至。而欲入宮。如是羣下搖蕩。眾聽疑惑。

非所以永終忠孝。揚名後世也。綝不懌而止。汜翻之子也。綝命弟

恩行丞相事。率百僚以乘輿法駕迎琅邪王於永昌亭。孫恩奉上

璽符王三讓乃受羣臣以次奉引王就乘輿百官陪位緄以兵千

人迎於半野拜於道側王下車荅拜即日御正殿大赦改元永安

吳主休字子烈孫緄稱草莽臣詣闕上書上印綬節鉞求避賢路

吳主權第六子孫緄稱草莽臣詣闕上書上印綬節鉞求避賢路

吳主休引見慰諭下詔以緄爲丞相荆州牧增邑五縣緄遷大將軍封永寧

侯今休以接立之功增其封邑以恩爲御史大夫衛將軍中軍督封縣侯孫據幹

閭皆拜將軍封侯又以長水校尉張布爲輔義將軍封永康侯初

爲王時布爲左右督素見信愛及卽位遂寵任之爲布擅吳立孫休

皓以亡國喪身張本宋自曰吳赤烏八年分烏傷之上浦立永康

縣屬東陽郡先是丹陽太守李衡數以事侵琅邪王其妻習氏諫之衡

不聽琅邪王上書乞徙他郡詔徙會稽及琅邪王卽位李衡憂懼

謂妻曰不用卿言以至於此吾欲犇魏何如妻曰不可君本庶民

耳先帝相拔過重既數作無禮而復逆自猜嫌逃叛求活以此北

歸何而目見中國人乎琅邪王素好善慕名方欲自顯於天下終

不以私嫌殺君明矣可自囚詣獄表列前失顯求受罪如此乃當

逆見優饒也

逆迎

非但直活而已衡從之吳主詔曰丹陽太守李衡

以往事之嫌自拘司敗

司敗即司寇也

夫射鉤斬袪在君爲君

齊桓公與公子糾爭

國管仲射桓公中帶鉤子糾死桓公以管仲爲相遂霸諸侯晉獻公使寺人披伐蒲公子重耳險垣而走披斬其袪及重耳反國與

披謀國事發呂卻之謀薦趙衰守原

其遣衡還郡勿令自疑又加威遠將軍授以棨

戟衡本襄陽卒家子聞羊道有人物之鑒往干之道曰多事之世

尙書劇曹郎才也大帝時校事郎呂壹操弄權柄大臣畏逼莫敢

言道曰非李衡無能困之者遂共薦爲郎大帝引見衡口陳壹奸

短數千言大帝有愧色數月壹被誅而衡大見顯擢妻習氏明識

有理辨衡每欲治家妻輒不聽後密遣客十人于武陵龍陽汎洲

上作宅種橘千株臨死敕兒曰汝母惡我治家故窮如是然吾州
里有千頭木奴不責汝衣食歲上一匹絹亦可足用耳衡亡後兒
以白母母曰此當是種甘橘也汝家失十戶客來七八年必汝父
遣爲宅汝父恆稱太史公言江陵千樹橘當封君家吾荅曰人患
無德義不思不富若貴而能貧方好耳用此何爲 己丑吳主休
封故南陽王和子皓爲烏程侯羣臣奏立皇后太子吳主曰朕以
寡德奉承洪業泣事日淺恩澤未敷后妃之號嗣子之位非所急
也有司固請吳主不許 十一月甲午吳大風四轉五復蒙霧連
旦 孫綝奉牛酒詣吳主休吳主不受齋詣左將軍張布酒酣出
怨言曰初廢少主時多勸吾自爲之者吾以陛下賢明故迎之帝
非我不立今上禮見拒是與凡臣無異當復改圖耳布以告吳主

吳主銜之恐其有變數加賞賜戊戌吳主詔曰大將軍掌中外諸

軍事事統煩多其加衛將軍御史大夫恩侍中與大將軍分省諸

事

分緄之
權也

或有告緄懷怨侮上欲圖反者吳主執以付緄緄殺之

由是益懼因孟宗求出屯武昌吳主許之緄盡敕所督中營精兵

萬餘人皆令裝載

中營兵卽中軍也吳人謂裝船爲
裝載緄欲以此兵自隨上武昌

又取武庫兵

器吳主咸令給與緄求中書兩郎典知荊州諸軍事主者奏中書

不應外出吳主特聽之其所請求一無違者將軍魏邈說吳主曰

緄居外必有變武衛士施朔又告緄謀反吳主將討緄密問輔義

將軍張布布曰左將軍丁奉雖不能吏書而計略過人能斷大事

吳主召奉告之且問以計畫奉曰丞相兄弟支黨甚眾恐人心不

同不可卒制可因臘會有陛兵以誅之

陛兵宿衛之兵夾殿
陛者所謂陛戟之士

吳主

從之十二月丁卯建業中謠言明會有變

明會明曰臘會也吳以土德王用辰臘

緄

聞之不悅夜大風發屋揚沙緄益懼戊辰臘會緄稱疾不至吳主

彊起之使者十餘輩緄不得已將入眾止焉緄曰國家屢有命不

可辭可豫整兵令府內起火因是可得速還遂入尋而火起緄求

出吳主曰外兵自多不足煩丞相也緄起離席奉布曰左右縛之

緄叩頭曰願徙交州吳主曰卿何不徙滕盾呂據於交州乎緄復

曰願沒爲官奴吳主曰卿何不以盾據爲奴乎遂斬之以緄首令

其眾曰諸與緄同謀者皆赦之放仗者五千人孫闓乘船欲降北

追殺之夷緄三族發孫峻棺取其印綬斲其木而埋之

古者棺槨厚薄皆有

度斷而葬之以示貶

己巳吳主以張布爲中軍督改葬諸葛恪滕盾呂據等

其罹恪等事遠徙者一切召還朝臣有乞爲諸葛恪立碑者吳主

詔曰盛夏出軍士卒傷損無尺寸之功不可謂能受託孤之任死

於豎子之手不可謂智遂寢

初昭烈畱魏延鎮漢中

事見六十八卷獻帝

建安二皆實兵諸圍以禦外敵敵若來攻使不得入及興勢之役

十四年王平捍拒曹爽

事見七十四卷

皆承此制及姜維用事建議以爲錯守諸

圍適可禦敵不獲大利不若使敵至諸圍皆斂兵聚穀退就漢樂

二城

諸葛亮築漢樂二城見七十一卷

聽敵入平

謂經敵使入平地也

重關頭鎮守以捍之

令游軍効出以伺其虛敵攻關不克野無散穀千里運糧自然疲

乏引退之日然後諸城竝出與游軍并力搏之此殄敵之術也於

是並令齊漢中胡濟卻住漢壽監軍王含守樂城

樂城在沔陽東山上周三十里

甚險固諸葛亮所築沔水逕其北

又北逕西樂城東而北流注於漢

護軍蔣斌守漢城姜維自東險要以開殺焉

啓疆之心書此

爲亡蜀張本 是歲宦官黃皓始專政帝弟甘陵王永懌皓皓

譖之使十年不得朝見

己景耀二年

魏甘露四年
吳永安二年

春正月黃龍二見魏甯陵井中先是頓

邱冠軍陽夏井中屢有龍見

陳壽志曰去年青龍仍見頓邱冠軍
陽夏縣界井中甯陵縣前漢屬陳留

郡後漢魏屬梁國頓邱縣漢屬東郡魏屬魏郡冠軍
縣屬前陽郡陽夏縣漢屬陳國魏屬梁國。夏音賈羣臣以爲吉

祥魏主髦曰龍者君德也上不在天下不在田而數屈於井非嘉

兆也作潛龍詩以自諷司馬昭見而惡之夏六月魏京陵穆侯

王昶卒封竄子譙爲北地王詢爲新興王虔爲上黨王尙書令

陳祗以巧佞有寵於帝姜維雖位在祗上而多率眾在外希親朝

政權任不及祗秋八月丙子祗卒帝痛惜之發言流涕諡之曰忠

以僕射義陽董厥爲尙書令尙書諸葛瞻爲僕射冬十一月魏

車騎將軍孫壹爲婢所殺

延熙二十年
孫壹降魏

是歲魏以王基爲征南

將軍都督荊州諸軍事據晉書文帝紀時分荊州爲二都督基鎮新野州泰便襄陽

庚辰景耀三年魏元帝曹奂景元元年吳永安三年春正月朔日有食之夏四月魏

詔有司率遵前命復進大將軍昭位相國封晉公加九錫遵前年之命也

魏主髦見威權日去不勝其忿五月己丑召侍中王沈尙書王

經散騎常侍王業謂曰司馬昭之心路人所知也吾不能坐受廢

辱今日當與卿等自出討之王經曰昔魯昭公不忍季氏敗走失

國爲天下笑魯季氏世執魯國之政至昭公時伐之不勝公孫于齊次于陽州死于乾侯事見左傳今權在

其門爲日久矣朝廷四方皆爲之致死不顧逆順之理非一日也

且宿衛空闕兵甲寡弱陛下何所資用而一旦如此無乃欲除疾

而更深之邪禍殆不測宜見重詳魏主乃出懷中黃素詔投地素

繳絹也此黃素詔者蓋以白繳絹染爲黃色以書詔曰行之決矣正使死何懼況不必死邪

於是入白太后沈業奔告昭呼經欲與俱經不從

考異曰世語曰經因沈業

申意今從魏主遂拔劍升輦率殿中宿衛蒼頭官僮鼓譟而出昭

弟屯騎校尉伯遇魏主於東止車門左右呵之伯遇奔走中護軍

賈充自外入逆與魏主戰於南闕下魏主自用劍眾欲退騎督成

倖弟太子舍人濟問充曰事急矣當云何充曰司馬公畜養汝等

時未立太子不應置東宮官屬正為今日今日之事無所問也濟

即抽戈前刺魏主殞於車下

時年二十

昭聞之大驚自投於地太傅孚

奔往枕魏主股而哭甚哀

枕魏主于股也左傳齊崔杼弑其君曰光以子枕尸股而哭之三踊而出

殺陛下者臣之罪也昭入殿中召羣臣會議尚書左僕射陳泰不

至昭使其舅尚書荀顗召之泰曰世之論者以泰方於舅今舅不

如泰也子弟內外咸共逼之乃入見昭悲慟昭亦對之泣曰元伯

陳素字元伯

卿何以處我泰曰獨有斬賈充少可以謝天下耳昭久之

曰卿更思其次泰曰泰言惟有進於此

言當以弑君之罪罪昭

不知其次昭

乃不復更言泰於是歐血而卒充母柳氏通古今重節義居平數罵成濟而竟不知充實使之侍者聞之無不竊笑先是揚州都督石苞入朝還辭魏主畱語盡日既出昭問魏主如何人苞曰太祖復生也昭聞之汗流浹背數日而有成濟之事太后下令罪狀高貴鄉公廢爲庶人葬以民禮收王經及其家屬付廷尉經母賢而有智初經仕至郡守其母謂之曰汝田家子今仕至二千石物太過不祥可以止矣經不能從後爲江夏太守大將軍曹爽附絹二十四令交市于吳經不發書棄官歸母問歸狀經以實對母以經典兵馬而擅去對送吏杖經五十爽聞不復罪經至是被收經謝

其母母顏色不變笑而應曰人誰不死正恐不得其所以此并命何恨之有及就誅故吏向雄哭之哀動一市王沈以功封安平侯庚寅太傅孚等上言請以王禮葬高貴鄉公太后許之昭葬之於洛陽西北三十里漈澗之濱下車數乘不設旌旄百姓相聚而觀之曰是前日所殺天子也或掩面而泣悲不自勝使中護軍司馬炎迎燕王字之子常道鄉公璜於鄴水經注曰白祀溝水出廣陽縣之步城東南逕常道城西故鄉亭也西去良鄉城四十里魏少帝璜所封也廣陽故燕國以爲明帝嗣炎昭之子也晉明帝時王導侍坐帝問前所以得天下者導乃陳懿創業之始及昭弒高貴鄉公事明帝以面覆牀曰若如公言祚安得長辛卯魏羣公奏太后自今令書皆稱詔制羣公自上公三公至諸從公也癸卯魏司馬昭固讓相國晉公九錫之命太后詔許之戊申魏司馬昭上言成濟兄弟大逆不道夷其族濟兄弟不卽伏罪袒而升屋

醜言悖慢自下射之乃逆 六月癸丑魏太后詔常道鄉公更名

奐甲寅常道鄉公入洛陽是日即皇帝位年十五大赦改元景元

丙辰魏主奐詔進司馬昭爵位九錫如前昭固讓乃止 癸亥

魏以尚書右僕射王觀爲司空 吳都尉嚴密建議作浦里塘據

曹方術傳浦里塘在丹楊郡宛陵縣界陳志 吳都尉嚴密建議作浦里塘范

將軍陳雷漢陽興以爲可成遂會諸軍民就作功費不可勝數士

卒多死亡民大愁怨 吳會稽郡謠言王亮當還爲天子而亮宮

人告亮使巫禱祠有惡言有司以聞吳主孫亮亮爲候官侯遣之

國晉書曰建安郡故秦閬中郡漢高祖以封閬其王及武帝滅之

徙其人名爲東冶後漢改爲候官都尉吳置建安郡以候官爲

縣屬焉宋白曰漢武帝元鼎六年立都 亮自殺衛送者皆伏罪

冬十月天赦 魏陽鄉肅侯王觀卒觀在明帝時嘗爲涿郡太守

有詔條郡縣爲外劇中平二等而主者欲言郡爲中平觀下教曰
此郡北接鮮卑數有寇盜云何不爲外劇耶主者曰若郡爲外劇
恐於明府當送任子觀曰夫君者所以爲民也今條郡爲外劇則
於徭役當有降差奈何爲太守一家之私而負一郡之民乎遂條
爲外劇郡而送任子詣鄴時觀但有一子而又幼弱其公心如此
觀居官治身清素帥下以儉僚屬承風莫不自勵 十一月魏主
奐詔尊燕王待以殊禮 十二月甲午魏以司隸校尉王祥爲司
空 魏尚書王沈爲豫州刺史初到下教敕屬城及士民曰若有
能陳長吏可否說百姓所患者給穀五百斛若說刺史得失朝政
寬猛者給穀千斛主簿陳廞廞音飲稽首略入白曰教旨思聞苦言
示以勸賞竊恐拘介之士或嫌賞而不言貪味之人將慕利而妄

舉苟不合宜實不虛行則遠聽者未知當否之所在徒見言之不
用因謂設而不行愚以為告下之事可少須後沈又教曰夫興益
於上受分於下受分謂受賞也斯乃君子之操何不言之有褚契復白曰
堯舜周公所以能致忠諫者以其款誠之心著也冰炭不言而冷
熱之質自明者以其有實也若好忠直如冰炭之自然則諂諂之
言將不求而自至若德不足以配唐虞明不足以竝周公實不可
以同冰炭雖懸重賞忠諫之言未可致也沈乃止

辛景耀四年

魏景元二年吳水安四年

春三月魏襄陽太守胡烈

襄陽縣漢屬南郡沈約曰

魏武平荆州分南郡編縣以北及南陽之山都縣立襄陽郡

表言吳將鄧由李光等十八屯同

謀歸化遣使送質任欲令郡兵臨江迎拔詔王基部分諸軍徑造

沮水以迎之

應劭曰沮水出漢中房陵東入江南郡臨沮縣以臨沮水得名水經注曰自臨沮界東南過枝江縣又東

南入若山等如期到者便當因此震蕩江表基馳驛遣司馬昭書

說由等可疑之狀且當清澄

謂事之虛實未定如水之混濁莫測其淺深且當清澄以俟之蓋亦當時

常語

未宜便舉重兵深入應之又曰夷陵東道當由車御至赤岸

乃得渡沮西道當出箭溪口乃趨平土皆山谷險阨竹木叢蔚卒

有要害弩馬不陳今者筋角濡弱

考工記弓人爲弓冬析輪春液角夏治筋秋合三材春液角夏

治筋以陽煦而筋角濡滑也冬析餘秋合三材以陰凝而堅緻也春夏之交陽氣蒸潤筋角濡弱則弓弩之力不勁

水潦方降廢然農之務要難必之利此事之危者也姜維之據上邽文欽

之據壽春皆深入求利以取覆沒此近事之鑒戒也嘉平已來累

有內難

謂曹爽兄弟既死累有廢立之事明邱儉諸葛誕相繼而舉兵也

當今之宜當務鎮安社

稷撫甯上下力農務本懷柔百姓未宜動眾以求外利也昭累得

基書意狐疑敕諸軍已上道者且權停住所在須候節度基復遣

昭書曰昔漢主納酈生之說欲封六國寤張良之謀而趣銷印

事見

十卷漢高
帝三年

基謀慮淺短誠不及留侯亦懼襄陽有食其之謬昭于

是罷兵報基書曰凡處事者多曲相從順鮮能確然共盡理實誠

感忠愛每見規示輒依來旨已罷軍嚴既而由等果不降烈奮之

弟也 夏五月朔日有食之 秋八月甲寅魏復命司馬昭進爵

位如前不受 冬十月以董厥爲輔國大將軍諸葛瞻爲都護衛

將軍其平尙書事以待中樊建爲尙書令瞻旣統朝政車騎將軍

廖化欲約鎮軍大將軍宗預往候之預曰吾等年踰七十所竊已

過但少一死耳何求於年少輩而屑屑造門邪遂不往時中常侍

黃皓用事厥瞻皆不能矯正士大夫多附之唯建不與皓往來秘

書令卻正久在內職與皓比屋周旋三十餘年澹然自守以書自

娛既不爲皓所愛亦不爲皓所憎故官不過六百石

秘書令秩六百石

而

亦不罹其禍人或譏其不通正乃作釋譏文以自喻其略曰昔在

洪荒蒙昧肇初三皇應籙五帝承符爰暨夏商前典攸書姬衰道

缺霸者翼扶嬴氏慘虐吞嚼八區于是縱橫雲起狙詐如星奇邪

蠢動智故萌生或飾真以售僞或挾邪以干榮或詭道以要上或

鬻技以自矜背正崇邪棄直就佞忠無定分義無常經故執法窮

而照作斯義敗而好成呂門大而宗滅韓辯立而身刑夫何故哉

利回其心寵耀其目赫赫龍章鑠鑠車服媮幸苟得如反如仄淫

邪荒迷恣睢自極和鸞未調而身在轅側庭除未踐而棟折榱覆

天收其精地縮其澤人弔其躬鬼其其額初升高岡終隕幽壑朝

含榮潤少爲枯魄是以賢人君子深圖遠慮畏彼咎戾超然高舉

甯曳尾于塗中穢濁世之休譽彼豈輕主慢民而忽於時務哉蓋

易著行止之戒詩有靖恭之歎乃神之聽之而道使之然也吳主

休使五官中郎將薛琬琬聘及還吳主問漢政得失對曰主

闇而不知其過臣下容身以求免罪入其朝不聞直言經其野民

皆菜色臣聞燕雀處堂子母相樂以為至安也突決棟焚而燕雀

怡然不知禍之將及其是之謂乎魏相子順引琬綜之子也

十二卷建是歲鮮卑索頭部大人拓跋力微始遣其子沙漠汗

入貢於魏因留為質力微之先世居北荒不交南夏魏收曰魏之

黃帝子曰昌意昌意少子受封北國有大鮮卑山因以為號黃帝

以土德王北人謂土為托謂后為拔故以為氏或曰自謂托天而

生拔地而長故為託拔氏蕭子顯曰匈奴女名託跋妻李陵胡俗

以母為姓故為李陵之後而甚諱之有言其是陵後者輒見殺○

汗音至可汗毛始疆大可汗北方之尊稱猶漢時之單于也宋統

寒白曰虜俗呼天為可汗○可汗音渴寒統

卷七十七 漢紀六十九 一 思補

國三十六大姓九十九後五世至可汗推寅

魏書曰漢桓帝時鮮卑檀石槐分其地為

東西三部其大人曰置健落羅曰律推寅等皆為大帥推

演恭即推寅也案魏收魏書帝紀毛瓦貸立貸死觀立觀死樓立

樓死越立越死推寅立

南遷大澤又七世至可汗鄰

推寅死利立利死俟立俟

死鄰立鄰死樓立樓死蓋立蓋死其兄弟七人及族人乙旃氏車提氏

分統部眾為十族

案魏書官氏志毛統國有九十九姓至鄰七分國人使諸兄弟各歸領之乃分其民以兄為統

骨氏後改為周氏次兄為昔氏後改為周氏次兄為拔拔氏後改

為長部氏弟為達奚氏後改為奚氏次弟為伊婁氏後改為伊氏

次弟為邱離氏後改為邱氏次弟為奚氏後改為奚氏次弟為伊氏

自此始也又命叔父之弟曰乙紫氏後改為叔孫氏又命疏族為

重耳氏後改為庫氏凡與拓拔氏為十姓百世不通婚○提首昆又音達鄰老以位授其子詰汾使南

遷遂居匈奴故地詰汾卒力微立復徙居定襄之盛樂

漢定襄郡有盛樂縣

後漢屬雲中郡建安二十年併雲中定襄五原朔方為新興郡郡

止置以屬新興而盛樂故縣廢之荒外故力微得居之後魏

其地永熙中又置盛樂郡

部眾浸盛諸部皆畏服之

拓拔氏始見于此詳

卑柯比能與魏爲敵者也柯比能死北邊差安而拓拔氏盛矣爲
後魏張本附錄初詰汾嘗率數萬騎田于山澤數見輜輶自天而
下既至見美婦人侍衛甚盛詰汾異而問之曰我天女也受命相
偶遂同寢宿旦請還曰明年周時復會此處言終而別去如風雨
及期詰汾至先所田處果復相見天女以所生男授詰汾曰此君
之子也善養視之子孫相承當世爲帝王詔訖而去子卽勃賀也
故時人謠曰詰汾皇帝無婦家
力微皇帝無舅家○歆育旭

資治通鑑補卷七十七終